



COMUNE DE PÀDRIA
Provìntzia de Tàtari

REGULAMENTU DE S'ECOTZENTRU COMUNALE

Ìnditze generale

Art. 1. Riferimentos normativos

Art. 2. Definitziones

Art. 3. Printzìpios e Finalidades

Art. 4. Ogetu de su Regulamentu

Art. 5 - Destinatàrios de su servìtziu

Art. 6. Gestione de su servìtziu

Art. 7. Dispositziones generales pro sa gestione

Art. 8. Ruolu e òbligos de sos operadores

Art. 9. Oràriu de abertura

Art. 10. Atzessu a s'Ecotzentru

Art.11 Tipologia de Ecotzentru e refudos chi si podent cunfèrrere

Art. 12 Modalidade de cunferimentu refudos

Art. 13. Obligos e proibitziones in s'impitu de s'Ecotzentru

Art. 14. Controllos

Art. 15. Gestione refudos – pesadura e cumpilazione ischedas refudos

Art. 16. Responsabilidade

Art. 17. Osservàntzia de àteras dispositziones

Art. 18. Òneres

Art. 19. Santziones

Art. 20 - Dannos e rifatas

Art. 21 – Lamentelas e reclamos

Art. 22 - Dispositziones finales e transitòrias

Art. 23. Rinvìu dinàmicu e verifica de s'efetu regulamentare

Art. 24. Depòsitu temporàneu de refudos chi benint dae àteros comunes

Art. 25. Intrada in vigèntzia de su Regulamentu

Art. 1. Riferimentos normativos

Pro custu regulamentu si faghet riferimentu a sas lìnias guida pro sa realizazione e gestione de sos ecotzentros comunales, pregonadas dae sa Regione Autònoma de sa Sardigna, su 27 de trìulas de su 2009, comente aggiornamentu de su **D. M. 15.03.2009**.

Art. 2. Definitziones

- **Sèberu**: sas operatziones de seletzione de sos refudos pro los pòdere impitare torra;
- **Comune o Amministratzione Comunale**: su Comune de PÀDRIA, in sos òrganos politicos suos e ufizios cumpetentes in matèria.
- **Conferimentu**: sas modalidades cunforma a sas cales sos refudos sunt cunsignados a su servìtziu de collida dae parte de su produttore o de chie los at;
- **D.Lgs. 152/2006**: su Decretu Legislativu n. 152 de su de 3 de abriale 2006 e mm.mm.ii.;
- **Depòsitu temporàneu**: su ragrupamentu de sos refudos fatu, in antis de sa collida, in su logu in ue sos matessi sunt produidos, cunforma a s'art.183 de su D.Lgs. 152/2006;
- **Chie los at**: su chi produit sos refudos o su sugetu chi los at;
- **Ecotzentru**: s'Ecotzentru comunale ogetu dae custu traste regulatòriu.
- **Gestione integrata de sos refudos**: su cumplessu de sas atividades pro megiorare sa Gestione de sos refudos, includida inoghe s'atividade de inetadura de s'istrada e sos servìtzios ligados;
- **Gestione**: sa collida, su trasportu, su recùperu, su tratamentu e s'eliminatzione de sos refudos, includu su controllu de custas operatziones;
- **Gestore**: su sugetu chi faghet sa gestione integrata de sos refudos urbanos e simigiantes de su Comune de Pàdria, in sas formas de sas cales a su D.Lgs. 18/08/2000 n.267 e a su D.Lgs. 152/2006.
- **Produttore**: sa pessone s'atividade de sa cale at produidu refudos; est a nàrrere su produttore iniziale e sa pessone chi at fatu in antis operatziones de tratamentu, de mischiadura o àteras operatziones chi ant mudadu sa natura o sa compositzione de sos refudos mentovados;
- **Collida differenziada**: sa collida seletzionada de sos refudos, puru de compositzione diferente (collida multimateriale comente cussa de plàstica o latinas), agrupados in antis dae chie los at in fratziones mertzeològicas pariviles;
- **Collida**: s'operatzione de collida, de sèberu o de ragrupamentu de sos refudos pro su trasportu issoro;
- **Recùperu**: sas operatziones ch impitant refudos pro ingendrare matèrias primas secundàrias, combustibiles o produtos, pro mèdiu de tratamentos mecànicos, tèrmicos, chìmicos o biològicos, includidos su sèberu o sa seletzione;
- **Regulamentu**: custu regulamentu de s'Ecotzentru comunale de su Comune de Pàdria.
- **Refudos de aparechiaduras elètricas e eletrònicas o RAEE**: refudos pro impitos domèsticos de sos cales a s'art. 227 e s'ghentes de su D.Lgs. n. 152/2006 e m.m.i., comente *lavastoviglie*,

lavatrici, frigoriferi, surgelatori e congelatori, condizionatori d'aria, monitor TV e personal computer, ecc.;

- **Refudos ingombrantes:** sos refudos chi derivant dae su càmbiu de sos benes de impitu domèsticu, de impitu comune, comente mobìlia (trematas, armuà etz...), refudos elètricos e eletrònicos, materiales de fèru e ingombrantes, etz.;
- **Refudos urbanos periculosos:** sos refudos periculosos chi benint dae atividades domèsticas, comente pilas, baterias a su prumbu, làmpadas alògenas, tubos catòdicos, làmpadas fluorescentes, meighinas, produtos T (tòssicos) e/o F (chi podent leare fogu) chi incluent produtos pro su giardinàgiu, pro traballedos in domo, pro ispàssiu, pro inetadura de bestimentas e de sa domo (detergentes, varechina, àcidu muriàticu, solfòricu, etz.), disinfestantes e inseticidas, combustibiles sòlidos e licuidos, vernitzes, etz.;
- **Refudu:** cale si siat sustàntzia o ogetu chi torrat in sas categorias giutas torra in s'allegadu A de sa de bator partes de su D. Lgs 152/2006 e mm.mm.ii. e de sas cales chie las at si nde liberet o siat obligadu a si nde liberare;
- **Servìtzios de igiene urbana:** onni atividade netzessària a sa gestione integrata de sos refudos urbanos;
- **Eliminazione:** onni operatzione finalizada a eliminare a manera definitiva una sustàntzia, unu materiale o unu traste dae su tzircùitu econòmicu de collida, gasi comente indicadu in s'allegadu B a sa de IV partes de su D.Lgs.152/2006;
- **Trasportu:** s'operatzione de trasferimentu de sos refudos cun màchinas apòsitas dae su logu de produzione e/o detenzione, a sas fases imbenientes de gestione de sos refudos;
- **Impitadore:** chie si siat a cale si siat titulu òcupet, apat o siat allogaderi de locales e àreas iscobertas impitadas a cale si siat titulu esistenti in su territòriu comunale, chi costituint impitadores est a nàrrere chie si siat presente a cale si siat titulu in su territòriu comunale;
- **Impitos:** impitos domèsticos e/o non domèsticos;
- **Impitos domèsticos:** impitos de locales e àreas impitadas o destinadas solu a domo de tzivile abitatzione;
- **Impitos non domèsticos:** sas categorias no abitativas e sos àteros impitos, in ue non siant individuadas a manera diferente;

Art. 3. Printzìpios e Finalidades

S'Amministrazione Comunale, cun sa finalidade primàrgia de intzentivare sa collida diferentziada de sos materiales chi si podent impitare torra/chi si podent recuperare càbidos in sos refudos urbanos e a su matessi tempus minimare sos custos e sa cantidade de refudos de eliminare a manera non diferentziada, promovet sa collida diferentziada, de sos refudos chi benint dae aposentamentos e impitos tziviles e produtivos, pro materiales simigiantes a sos refudos solidos urbanos, pro mèdiu de s'istituzione de s'Ecotzentru, pro su depòsitu temporàneu de sos refudos in

isetu de su trasportu a impiantios autorizados.

Su tzentru de collida est realizadu cun sa punna de megiorare s'organizatzione de su servìtziu domitziliare de collida diferentziada de sos refudos urbanos. S'Apaltu nou, chi previdit unu sistema de collida cun su mètodu gianna pro gianna, imponet su passàgiu de sas màchinas de collida in oràrios e dies apostivigadas cunforma a unu calendàriu chi onni annu est dadu a sos impitadores. Custu sistema, puru si permitit de segudare pertzentule de RD artas, est pagu flessibile e s'adatet male a sas esigèntzias de onni die e particulares de sos impitadores.

Duncas s'abertura de su tzentru de collida at a permitere:

- su conferimentu deretu a sos impitadores chi no ant possibilitade de cunsignare sos refudos in sas dies apostivigadas pro sa collida;
- su conferimentu deretu a sos impitadores chi devent eliminare sos refudos ingombrantes e a sos impitadores chi ant esigèntzias particulares, comente sa presèntzia in domo de pessones malàidas in su letu o de pitzinnos picocos;
- su conferimentu deretu a sos impitadores non domèsticos, bastat chi sos refudos siant cunformes a s'art. 11 de custu Regulamentu;
- su conferimentu deretu a sos impitadores cummertziales chi bendent AEE (aparechiaduras elètricas e eletrònicas) chi providint a sa collida de sos RAEE (refudos dae aparechiaduras elètricas e eletrònicas);
- su conferimentu deretu de castas diferentes de refudos pro sas cales no est ativu unu tzircùitu dedicadu de collida, tipu sos ògios de friere, sos materiales chi derivant dae traballos de pagu contu de demolitzione, sas cartùcias de *toner* finidas, sas làmpadas a su *neon*, sos refudos T e/o F, etz;
- su conferimentu de sos refudos chi si produent in su mercadu chi si faghet una borta a chida, in sas festas, sagras e manifestatziones.

S'istruutura de s'Ecotzentru est, puru, a servìtziu de su Gestore pro s'atividade de agrupamentu de sos refudos cunferidos a manera diferentziada e pro megiorare meda de sos trasportos imbenientes de sos refudos collidos a sos impiantios de recùperu, tratamentu o eliminatzione pro mèdiu, solu, de operatziones de movimentatzione e istocàgiu pro partidas pariviles de materiales in ausèntzia de protzessos de tratamentu.

Art. 4. Ogetu de su Regulamentu




S'ecotzentru de su Comune de Pàdria, aposentadu in fora de sa bidda in carrera Oriani, gasi comente definidu dae s'art. 183 de su D. lgs 152/2006, progetadu e autorizadu cunforma a su DM Ambiente 8 de abribe de su 2008 e mm.mm.ii., est costituitu dae un'àrea aprontada e ammaniada in ue s'acumpriet soluatividade de collida, pro mèdiu de agrupamentu pro fratziones pariviles pro su trasportu a sos impiantios de recùperu, tratamentu e, pro sas fratziones chi non si podent

recuperare, de eliminazione, de sos refudos urbanos e simigiantes elencados in s'allegadu I, paràgrafu 4.2 de su matessi decretu, cunferidos a manera diferenziada de pare a pare dae sos impitadores domèsticos e non domèsticos puru pro mèdiu de su gestore de su servìtziu pùblicu, e puru dae sos àteros sugetos tentos cunforma a sas normativas setoriales in vigèntzia a sa collida de tipològias ispetzificas de refudos dae sos impitadores domèsticos, comente sos refudos dae aparechiaduras elètricas e eletrònicas (RAEE). Sos refudos ispetziales simigiantes a sos refudos urbanos, ant a dèvere respetare sas castas e sas cantidades prevididas a s'art. 11 de custu Regulamentu.

Custu Regulamentu detèrminat sos critàrios pro un'impitu ordinadu e curretu de s'Ecotzentru comunale disciplinende nde s'atzessu e sas modalidades de cunferimentu de sos refudos cunforma a su D.M. 13 de Maju de su 2009 relativu a sa "Mudadura de su decretu de s' 8 de Aprile de su 2008, chi pertocat sa disciplina de sos tzentros de collida de sos refudos urbanos collidos a manera diferenziada, comente prevididu dae s'articulu 183, comma 1, litera cc) de su decretu legislativu 3 de aprile de su 2006, n. 152, e mudaduras imbenientes".

Art. 5 – Destinatàrios de su servìtziu

1. Sunt ammitidas a su gosamentu de s'àrea:

-  sos impitadores domèsticos residentes in su Comune de Pàdria;
-  sos impitadores domèsticos non residentes in su Comune de Pàdria chi ant utèntzias domèsticas in su territòriu de su comune de Pàdria, chi si podet cumproare dae su pagamentu relativu de sa TARSU;
-  sos impitadores non domèsticos iscritos a ruolu TARSU in su Comune de Pàdria cunforma a sos lìmities apostivigados a s'imbeniente art. 11.

2. S'atzessu a su tzentru de collida est cunsentidu cunforma a sas normas prevididas e giutas torra a s'art.

10 de custu Regulamentu.

3. Sas atividades produtivas e sos esertitzios pùblicos presentes in su territòriu comunale ant a pòdere gosare de su servìtziu a manera cumpatibile cun sas capatzidades de retzire de su tzentru de collida e solu pro sas cantidades e castas de refudu indicadas a manera ispetzifica a s'imbeniente art. 11, pro sos cales su cunferimentu in su tzentru nde favoressat su retziclu o su recùperu).

4. Sos refudos chi bengiant dae impitadore domèsticu ant a pòdere èssere collidos puru si su cunferimentu est fatu dae un'àteru sugetu chi trasportat cussos refudos pro contu de su produttore, bastat chi siat mustradu in su momentu de s'intrada unu mòdulu, chi giutat torra s'origine domèstica, sas castas de refudos cunferidos, sas cantidades relativas e siat firmadu dae su produttore matessi.

Custu mòdulu at valore de autotzertificatzione. In casu chi custos refudos bèngiant dae unu condomìniu, su mòdulu mentovadu in artis devet èssere firmadu dae su cabu condòminu o dae s'amministradore. In casu contràriu, sos refudos cunferidos ant a èssere cunsiderados chi benint dae impitadore non domèsticu e duncas ant a pòdere èssere ritirados solu si s'atividade est aposentada

in su territòriu Comunale e si sa casta de su refudu est, pro calidade e cantidade, previdida a s'imbeniente art. 11.

Art. 6. Gestione de su servìtziu

Su Responsàbile de s'Ecotzentru est sa sotziedade afidatària de sa cuntzessione de su servìtziu de igiene urbana in su Comune de Pàdria.

Su Gestore subraintendet a su funtzionamentu curretu de s'Ecotzentru, coordinende sa gestione de su matessi e acumprende totu sas funtziones afidadas·lis dae su Regulamentu.

Su Gestore devet numenare unu responsàbile tècnicu de s'Ecotzentru chi at a dèvere garantire su coordinamentu tècnicu e amministrativu de s'atividade, in cunformidade a sas prescrizioni de su provedimentu de autorizazione, a sa normativa in vigèntzia in matèria de seguresa subra de sos ambientes de traballu e a su Regulamentu.

Art. 7. Disposizioni generales pro sa gestione

In sa gestione de s'Ecotzentru ant a dèvere èssere acumpridas sas prescrizioni gestionales de caràtere generale chi sighint:

- a. At a dèvere èssere garantida sa presèntzia de personale cualificadu e adestradu a manera adecuada in sa gestione de sas castas diferentes de refudos chi si divent cunfèrrere, e puru subra de sa seguresa e subra de sas protzeduras de emergèntzia;
- b. Durante s'acumprida de sas operatziones de irboidadura, remplasadura e movimentatzione de sos istèrgios, chi ant a dèvere èssere fatas in su respetu de sa normativa de seguresa, at a dèvere èssere proibidu s'atzessu de sos impitadores e de cale si siat àteru sugetu no incarrigadu de su servìtziu in s'àrea interna de s'Ecotzentru. In casu chi custos impitadores siant giai a parte de intro de s'istrutura, custos ant a dèvere sessare sas operatziones de cunferimentu e andare·si·nche dae s'àrea interna de s'Ecotzentru;
- c. Sa frequèntzia de sas collidas de sos refudos cunferidos in s'Ecotzentru at a èssere medidu a sas castas de sos matessi e a manera de nd'evitare s'ammuntonadura a fora de sos istèrgios in casu chi siant tropu prenos;
- d. Solu pro sos refudos chi podent bogare fragu sa frequèntzia de sa collida at a èssere gasi de minimare cantu prus si podet sa cumparsa de fragos e duncas galu prus in istiu, cunforma a cantu giutu torra in su D.M. de s'8 de abriale de su 2008;
- e. Contivìgiu particolare b'at a èssere pro sas operatziones de cunferimentu e movimentatzione a intro de s'Ecotzentru de sos benes chi durant pro impitu domèsticu a manera de evitare chi nd'essant dàbiles sustàntzias perigulosas càbidas in custos. In particolare est netzessàriu chi custos refudos siant depositados in positzione verticale, chi non siant postos unu subra de s'àteru e chi siant remonidos a manera dislindada e ordinada bene cunforma a sa casta parivile (de lama, non de lama..) a manera de fatzilitare su trasportu imbeniente. Sa movimentatzione

issoro at a èssere limitada e in onni casu no at a dèvere èssere fata cun su gasi naradu "ragno" chi diat pòdere cajonare truncaduras. No at a èssere fata peruna operatzione de ammuntonadura de su materiale ingombrante e/o ischirriadura de sa parte de su refudu chi cuntenet sustàntzias chi faghent dannu a s'ozono o perigulosas;

- f. Sas operatzione de sabunadura de sos istèrgios de refudos ant a dèvere èssere fatas in logu apòsitu o puru in impiantios uspetzìficos esternos autorizados a manera oportuna
- g. Ant a èssere fatas subra de sos refudos cunfèrridos operatziones de adequamentu volumètricu solu pro unas cantas castas, o puru cussas pro sas cales est possibile su cunferimentu in istèrgios chi cumpatant (pabiru e cartone, plàstiga etz....);
- h. No ant a pòdere èssere fatas in s'Ecotzentru operatziones chi mudant sa natura de su refudu, o puru sa composizione chìmica sua e/o sa classificatzione sua de su còdighe CER.

Art. 8. Ruolu e òbligos de sos operadores

Sunt operadores de s'Ecotzentru sos sugetos incarrigados dae su Gestore pro sa custòdia e sa manuntentzione de su matessi, e puru pro su controllu durante sa fase de cunferimentu de sos refudos dae parte de s'impitadore.

Su personale prepostu a sa gestione e a su controllu, formadu a manera oportuna, devet:

- a. èssere semper presente durante s'oràriu de abertura de s'Ecotzentru;
- b. contivigiare s'abertura e sa serrada de s'Ecotzentru in sos oràrios e in sas dies apostivigadas dae s'Amministrazione Comunale e averiguare chi su cunferimentu siat a incuru de sos impitadores de su Comune e a incuru de su personale e cun màchinas de su Gestore o a incuru de sos sugetos dae issu autorizados a manera dèvida e chi sos refudos currispondant, pro provenièntzia e casta, a cussos pro sos cales est istituidu su servìtziu;
- c. dare a sos impitadores chi atzedent a s'Ecotzentru totu sas informatziones netzessàrias pro una condutzione prus bona de sas operatziones de cunferimentu;
- d. sensibilizare s'impitadore a unu cunferimentu diferenziadu de sos refudos curretu e prus mannu siat a intro de sos istèrgios, chi in sas àreas destinadas a sa remonidura a terra;
- e. contivigiare s'innetadura de sas istruturas de fundamentu e de sos istèrgios, asseguende chi, in onni momentu siant mantènnidas sas cunditiones igiènicu-sanitàrias mègius, puru pro mèdiu de sabunadura e disinfetzione de sas istruturas;
- f. fàghere unu controllu visivu a sa minuda de sos càrrigos de sos refudos pro los atzetare;
- g. sinnalare sa presèntzia e no atzetare sos materiales chi non sunt cunformes a sas prescritziones, dende nde motivatzione iscrita a S'Amministrazione Comunale cando rechesta;
- h. kontrollare chi in s'Ecotzentru non siant acumpridas operatziones de ischirriadura o prelevamentu de sos refudos dae personale no autorizadu;
- i. contivigiare chi sos prelevamentos siant fatos cunforma a cantu apostivigadu dae sa

- normativa in vigèntzia e dae sos cuntratos o dae sas cunventziones chi bi sunt;
- j. averiguare chi sas operatziones de leada in càrrigu de sos refudos pro su trasportu cara a sos impiantos de recùperu, tratamentu o eliminatzione dae parte de sos operadores de su Gestore o de sos àteros trasportadores autorizados siat fata a fora de sos oràrios de abertura de s'Ecotzentru a sos impitadores de s'Ecotzentru a sos impitadores servidos o in cunditziones de seguresa gasi comente indicadu in s'imbeniente puntu k;
 - k. sincherare-si chi durante sas operatziones de irboidamentu, remplasadura e movimentatzione de sos istèrgios, chi ant a dèvere èssere acumpridas in su respetu de sa normativa de seguresa, siat proibidu s'atzessu in s'àrea interna de s'Ecotzentru de sos impitadores e de cale si siat àteru sugetu no incarrigadu a su servìtziu. In casu chi cussos impitadores siant giai intro de s'istruutura, custas ant a dèvere sessare sas operatziones de cunferimentu e custos istesiare-si dae s'àrea interna de s'Ecotzentru;
 - l. redatzionare onni die su registru apòsitu de càrrigu e iscàrrigu de sos refudos;
 - m. sinnalare a su responsàbile tècnicu de s'Ecotzentru onni dabile discumbèniu chi si diat averiguare in sa gestione de s'Ecotzentru, e puru dàbiles cumportamentos illètzitos chi diant pòdere èssere averiguados in sede de cunferimentu de sos refudos;
 - n. bardiare a manera chi siant evitados dannos a sas istruturas, a sas atretzaduras, a sos istèrgios e a cantu àteru presente intro de s'Ecotzentru;
 - o. eliminare onni die sos refudos chi bi diant pòdere èssere fora de sos istèrgios/pratza e sos dàbiles refudos lassados fora de s'Ecotzentru in unu tretu de 100 metros;
 - p. àere dispositivos apòsitos de amparu individuale e bestimenta cunforma a sas normativas antinfortunisticas in vigèntzia.
 - q. Sos operadores devent garantire su respetu de totu sas normas prevididas dae custu Regulamentu e duncas ant sa facultade:
 1. *de rechedere, chie apat intentzione de cunfèrrere sos refudos pròpios in s'Ecotzentru, documentu de identidate a manera de nd'averiguare sos rechisidos pro s'atzessu de su cale a s'imbeniente Art. 10;*
 2. *de registrare sas generalidades de s'impitadore chi atzedid a s'Ecotzentru, e puru sos refudos cunferidos pro sas finalidades istatísticas e/o de controllu de su Regulamentu;*
 3. *de sinnalare deretu a su responsàbile tècnicu de s'Ecotzentru onni dabile mancàntzia o inosservàntzia a sas presentes normas;*
 4. *de non permitere s'atzessu a sas màchinas si si nde diat bìdere sa netzessidade, gasi comente ispetzificadu in s'imbeniente Art. 10.*

Art. 9. Oràriu de abertura

- 1) S'oràriu de abertura de su tzentru de collida est apostivigadu dae su Comune de Pàdria a

manera de favorèssere s'afluentza prus ampra.

Durante s'abertura a su pùblichu su Gestore at a dèvere garantire sa presèntzia de personale prepostu a sa gestione e a su controllu. S'oràriu de abertura e sas mudaduras dàbiles ant a dèvere èssere fatas a ischire dae su Gestore de s'Ecotzentru pro mèdiu:

- a. de cartellu postu in su logu;
- b. comunicatzione in rete pro mèdiu de su giassu internet de su Comune e de su Gestore;
- c. onni àteru mèdiu de comunicatzione cunsideradu ùtile.

Onni annu su Gestore comunicat a su Comune, in occasione de sas festas, s'oràriu de abertura de s'Ecotzentru garantende s'oràriu mìnimu prevididu de abertura a chida. Est salva sa facultade de su Comune de mudare puru a manera temporànea sas dies e sos oràrios de abertura de s'Ecotzentru pro nde megiorare su servìtziu.

Art. 10. Atzessu a s'Ecotzentru

Sunt autorizados a atzèdere e cunfèrrere refudos solu sos sugetos chi s'ghint:

- a) sas pessones fisicas iscritas a su ruolu TARI, residentes, domitziliadas o semper e cando chi apant puru a tempus determinadu locales in su Comune de Pàdria;
 1. sas pessones giurìdicas iscritas a su ruolu TARI, cun sede in su Comune de Pàdria, solu pro sos refudos de tipu urbanu (escluidos, duncas, cussos ispetziales no assimilados o semper e cando chi derivant dae traballaduras artigianales e industriales de s'eliminar in pròpiu) in su respetu de cantu prevididu a s'art. 193 de su D.Lgs. 152/2006 e mm.mm.ii.
 2. s'Amministrazione Comunale, in su respetu de sas cantidades e modalidades apostivigadas pro sos àteros impitadores;
 3. su Gestore.

S'atzessu a sos impitadores est cunsentidu solu durante sos oràrios e sas dies apostivigadas pro s'abertura de s'Ecotzentru, prevididos in su pretzedente art. 9. S'atzessu a fora dae sas dies e dae sos oràrios apostivigados est permitidu solu a sos operadores de su servìtziu, salvu autorizatzione espresa de su Gestore.

Sos impitadores divent s'ghire sas indicatziones de su prepostu a s'àrea. S'atzessu a sos impitadores o a cale si siat àteru sugetu no incàrrigadu a su servìtziu est negadu solu pro su tempus netzessàriu a fàghere sas operatziones de cunferimentu, movimentatzione e onni àtera atividade de su servìtziu de gestione de sos refudos urbanos, pro permitere sas operatziones garantende-nde sa seguresa.

S'operadore, pro motivos de seguresa, si lu cunsiderat oportunu, podet proibire a manera temporànea s'atzessu a s'istruccura, posca de acadessimentos istraordinàrios e/o ocasionales chi non si podiant providire dae in antis, dende-nde comunicatzione a s'Amministrazione Comunale. S'atzessu cun màchinas a intro de s'Ecotzentru est reguladu dae su Gestore pro non ingendrare una truma de gente e

pro unu controllu prus pàsidu e curretu de sas operatziones de iscàrrigu.

Durante sa passàgiu in s'Ecotzentru divent èssere respetadas siat sa viabilidade interna a s'Ecotzentru, regulada dae s'innalètica apòsita, siat sa separatzione fisica dàbile tra s'àrea destinada a su conferimentu de sos refudos dae parte de sos impitadores privados e su tretu reservadu a sa tzirculatzione de sas màchinas de su Gestore. Sa tzirculatzione de sas màchinas devet èssere fata a passu de òmine. Devent èssere respetadas sas s'innalatziones relativas a sas protzeduras de seguresa siat in regime normale siat de emergèntzia. Pro sas dispositziones relativas a sas protzeduras de adotare pro sa minimadura de sos arriscos ligados a sa seguresa in sos logos de traballu s'aplicant sas dispositziones cuntènnidas de su Documentu de Valutatzione Arriscos redatzionadu, e aggiornadu, dae su Gestore de s'Ecotzentru.

Art. 11 Tipologia de Ecotzentru e refudos de cunfèrrere

S'Ecotzentru, cunforma a su D.M. 13.5.2009 relativu a sa "Mudadura de su decretu de s' 8 Aprile de su 2008, chi pertocat sa disciplina de sos tzentros de collida de sos refudos urbanos collidos a manera diferentiada, comente prevididu dae s'articulu 183, comma 1, lìtera cc) de su decretu legislativu 3 de aprile de su 2006, n. 152, e mudaduras imbenientes", resurtat de casta "b"; duncas est abilitadu a retzire refudos non perigulosos e perigulosos de provenièntzia domèstica e non domèstica, chi ant a dèvere respetare totu sos rechisidos prevididos dae sas lìnias ghiadoras.

Ant a pòdere èssere retzidas sas castas de refudos de sas cales a sa tabella chi sighit:

n.	CASTA DE REFUDU	CÒDIGHE CER	DESCRIZIONE	DESTINATZIONE	Cant.max giornaliera pro onniunu de cunfèrrere in s'Ecotzentru impitadore domèsticu
1	Sustàntzia orgànica dae refudu urbanu	200108	Avantzios de roba de mandigare e iscartos de coghinas e mensas	Recùperu	50 litros
2	Refudos de mercados	200302	Iscartos orgànicos dae atividade de mercadu	Recùperu	
3	Bidru e imballàgios in bidru	200102 150107	Bidru in ampullas e trastes	Recùperu	Bidru in ampullas: n° 20 ampullas Bidru chi leat logu meda: n° 2-3 trastes
4	Pabiru – Cartone e Imballàgios de cellulosa	200101 - 150101	Pabiru gràficu mischiadu e imballàgios in pabiru/cartone	Recùperu	250 litros
5	Plàsticas e imballàgios in plàstica	200139 - 150102	Istèrgios pro roba de mandigare e pro bufare e trastes	Recùperu	250 litros

6	Imballàgios de lama de misura minore	150104	Latinas de allumìniu o banda istagnada	Recùperu	n° 20 petzos
7	Linna e imballàgios in linna	200138 - 150103	Mobilia posta a banda-linna cun sustàntzias perigulosas cascietas	Recùperu	N° 2-3 petzos
8	Istratzos e imballàgios de istratzos	200111 - 150109	Produtos tèssiles e sachetas in materiales tèssiles	Recùperu e eliminatzione	N° 5 petzos
9	Bestimenta	200110	Bestimenta betza	Recùperu e eliminatzione	N° 10 petzos
10	Imballàgios mischiados	150106	Chi benint dae sa collida comuna es.bidru- latinas	Recùperu	N° 20 petzos
11	Ingombrantes de lama	200140	Trastes de lama (es. retes de ferru, mòbiles de metallu)	Recùperu	N° 2-3 petzos
12	Àteros ingombrantes	200307	Ing. Eterogèneos o semper e cando diferentes dae sos pretzedentes	Recùperu e eliminatzione	N° 2-3 petzos
13	Eletrodomèsticos chi cuntenent CFC	200123(*)	Frigorìferos, cungeladores, cunditziadores	Recùperu	N° 1 petzos
14	Àteras ap. postos a banda chi cuntenent cumponentes perigulosos	200135 (*)	Televisores, computer, e materiale eletrònicu in gènere	Recùperu	N° 1-2 petzos
15	Àteras aparechiaduras chi non servint piusu chi non cuntenent cumponentes perigulosos	200136	Lavatrices, lavastovìglie, iscaldabagnu	Recùperu e eliminatzione	N° 1 petzos
16	Pilas e baterias	200133(*) 200134	Baterias e acumuladores	Recùperu	N° 1 petzu.(n°10 petzos si riferidos a pilas consumadas)
17	Gommas betzas	160103	Gommas impitadas de provenièntzia	Recùperu	N° 1 petzos

			domèstica		
18	Meighinas iscadidas	200132	Meighinas diferentes dae sos <i>citotossici e citostatici</i>	Eliminatzione	5 kg
19	Cuntenidores cun eticheta T o F	150110(*)	Cutenidores bòidos de vernices, àcidos, etz.	Recùperu	5 kg
20	Làmpadas a su neon	200121(*)	Tubos fluorescentes	Recùperu	5 kg
21	Ògios minerales consumados	200126(*)	Ògios dae operatziones de càmbiu ògiu motore	Recùperu	5 litros
22	Ògios vegetales e animales	200125	Ògios dae mensas-coghinas	Recùperu	5 litros
23	Refudos vegetales dae innetaduras e pudaduras	200201	Refudos de su contivìgiu de su birde pùblicu/privadu	Recùperu	1 mc.
24	Materiales de iscavos	170107 170904	Materiales dae demolitziones minores	Recùperu	0,25 mc
25	Terrinu e rocas	200202		Recùperu	
26	Vernices, inchiostro, adesivos e collas	200127 - 200128		Eliminatzione	
27	Pesticidas	200119		Eliminatzione	
28	Materiales de s'innetadura de sas carreras	200303		Recùperu e eliminatzione	

Su Gestore est puru autorizadu a su conferimentu de sos refudos non diferentziados (CER 20 03 01) e de sos refudos chi benint dae sas atividades de innetadura (CER 20 03 03).

Onni cuntenidore aposentadu a servìtziu de sos impitadores devet previdire una cartellonìstica ladina chi sutalineat sas castas de refudos cunferibiles e su còdighe CER.

Art. 12. Modalidade de conferimentu de sos refudos

Sos refudos ant a dèvere èssere partzidos a s'origine dae s'impitadore e cunferidos in sos istèrgios ispetzìficos sena bi pònnere cale si siat sustàntzia o cosa diferente fata a manu. Sos materiales chi torrant a mischiaduras o iscartos de tzimentu, matones, matonellas, tzeràmicas, diferentes dae cussas de sas cales a sa boghe 17 01 06* (còdighe CER 17 01 07) e sos refudos mischiados de s'atividade de fràigu e demolizione, diferentes dae cussos a sas boghes 17 09 01*, 17 09 02* e 17 09 03* (còdighe CER 17 09 04) chi derivant dae interbentos minores de rimozione fatos a manera dereta dae s'allogaderi de sa abitazione tzivile ant a pòdere èssere cunferidos a s'Ecotzentru in su respetu de unu limite a chida pro impitadore che pare a 0,25 metros cubos, abarrende firmu cantu prevididu a s'Art. 10.

S'Ecotzentru devet garantire sa partzidura de sos RAEE a manera cunforme a sos agrupamentos de sos cales a su D.M. n.185 de su 25 de cabudanni de su 2007 e adotare totu sas attenziones operativas a manera de nde remonire s'integritade. Est facurtade de su gestore acollire sos RAEE chi derivant dae sa distribuzione cummertziale organizada e apostivigare, pro resones organizativas de s'Ecotzentru, modalidades de cunferimentu ispetzìficas.

Art. 13. Òbrigos e proibitziones in s'impitu de s'Ecotzentru

Sos impitadores sunt obrigados a:

- a. fàghere in antis sa diferentziatzione de sos refudos de cunfèrrere;
- b. atzèdere cunforma a sas modalidades de atzessu de sas cales a s'Art. 10;
- c. mustrare sa carta de identidade a sos operadores de s'Ecotzentru, in antis de cunfèrrere sos refudos;
- d. cunfèrrere sos refudos in sos istèrgios apòsitos;
- e. respetare totu sas normas de custu Regulamentu, sas osservatziones dàbiles e sos consigios dados; dae sos operadores de su servìtziu;
- f. collire refudos dàbiles rutos subra de su pratzale de s'Ecotzentru durante sas operatziones de iscàrrigu. In s'Ecotzentru est proibidu a maera severa:
- g. atzèdere e cunfèrrere refudos dae parte de sugetu no autorizadu;
- h. atzèdere cun modalidades diferentes dae cussas prescritas;
- i. depositare cale si siat tipologia de refudu non prevididu in sas normas de custu Regulamentu;
- j. iscarrigare refudos cun modalidades diferentes dae cussas prescritas e sena àere

- attenzione a sos òbrigos postos a s'impitadore;
- k. compidare in sos istèrgios e tra sos refudos;
 - l. prelevare e trasportare a fora de s'Ecotzentru cale si siat refudu;
 - m. cunfèrrere, dae parte de impitadore non domèsticu, refudos chi benint dae traballos industriales e artigianales;
 - n. lassare, dae parte de chie si siat, refudos de cale si siat genia fora dae sa cresura de s'Ecotzentru;
 - o. istentare·si pro cale si siat resone intro de s'Ecotzentru posca de su cunferimentu de sos refudos.

Art. 14. Controllos

Pro assegurare una gestione adecuada de s'Ecotzentru e su cunferimentu curretu dae parte de sos impitadores est previdida sa possibilitade de fàghere atividade de controllu e pònnere contraventziones a sos cumportamentos irregulares dae parte de sa Politzia Locale o puru dae àteros sugetos incarrigados. S'Amministrazione Comunale at a pòdere, in cale si siat momentu, si nde diat bìdere sa netzessidade e s'oportunidade, detzìdere de s'avalèssere de trastes audiovisivos o de àteru mèdiu pro su controllu de s'Ecotzentru e de s'àrea de fronte.

Sas informatziones registradas durante su controllu costituint datos personales, cunforma a s'art. 4, comma 1, litera b) de su D.Lgs. n. 196/2003 e mm.mm.ii.

Ant a èssere ammaniados cartellos chi avisent e ìndichent sa presèntzia de s'impiantu de videoregistrazione. Sas registraziones fatas ant a èssere impitadas solu pro prevènnere e individuare sos irregularidades ligadas a sa lassada de sos refudos in cunformidade a cantu apostivigadu cun provedimentu de su 29.11.2000 de s'Autoridade Garante pro s'Amparu de sos Datos personales.

Art. 15. Gestione refudos – pesadura e compilazione ischedas refudos

Sos refudos in intrada cunferidos dae sos impitadores non domèsticos ant a dèvere èssere leados in contu in su respetu de s'allegadu 1a, paràgrafu 6, D.M. Ambiente 8 de aprile de su 2008 e mm.mm.ii . Su Gestore devet compilare s'ischeda refudos aviados a recùperu/eliminazione dae s'Ecotzentru, cunforma a su modellu prevididu dae s'allegadu 1b de su D.M. Ambiente de s'8 de Aprile de su 2008 e m.m.i.

Art. 16. Responsabilidade

S'Amministrazione Comunale si devet cunsiderare libera e indenne dae onni responsabilidade e/o dannu, in casu curpa de su Gestore, o puru de violazione dae parte de custu ùrtimu de sos òbligos chi derivant dae normas de òrdine pùblicu. Su gestore devet averiguare chi in sa gestione de s'Ecotzentru siant respetadas a manera puntuale, puru dae parte de sos impitadores, totu sas indicatziones e òbligos de seguresa prevididos dae custu regulamentu e/o dae sas normas in

vigèntzia.

Pro custu, est òbligatòriu pro su Gestore de s'Ecotzentru de pruvìdìre a redatzionare totu sos documentos de Seguresa prevididos dae su Testu Ùnicu subra de sa Seguresa subra de su Traballu D.lgs. 9 de abribe de su 2008, n. 81 e mm. mm. ii.

Su Gestore devet istipulare una polizza assicurativa de responsabilidade tzivile pro dannos cajonados a àtere chi derivant dae sas atividades acumpridas intro de s'Ecotzentru, cunsiderende-si s'amministratzione Comunale libera e indenne dae onni e cale si siat responsabilidade e/o dannu.

Art. 17. Osservàntzia de àteras dispositziones

Pro totu cussu chi no est cuntempladu a manera espessa in custu Regulamentu, s'imbiat a sas dispositziones comunitàrias, natzionales e regionales in matèria de refudos urbanos, in matèria de amparu igiènicu- sanitàriu e de seguresa e salute de sos traballadores.

Art. 18. Òneres

S'òneres relativu a sa gestione de s'Ecotzentru est incluidu in s'afitu de un'annu chi su Gestore pertzepit pro efetu de su cuntratu de gestione de su servitziu integradu de collida trasportu e eliminatzione de sos refudos.

Art. 19. Santziones

Sas violatziones a su Regulamentu, a fora de cussas prevididas e punidas dae su D.Lgs. n. 152/2006 e dae àteras normativas ispetzificas in matèria, a norma de su dispostu de s'art. 7 bis de su D.Lgs. 18.8.2000 n. 267, sunt punidas cun sas santziones amministrativas chi s'ghint:

farta de osservàntzia de sas prescritziones dadas cun custu Regulamentu est sugeta a sa santzione amministrativa in dinari incluida tra unu valore mìnimu de 25,00 € e unu màssimu de 150,00 € pro onni infratzione cuntestada, a fora de cussas sebestadas a sa litera b) imbeniente;

a. sa farta de osservàntzia de sas prescritziones pro onniunu de sos casos indicados est sugeta a s'imposizione de sas santziones amministrativas chi s'ghint a favore de sos sugetos cumpetentes pro lege:

VIOLATZIONE	IMPORTU MÌNIMU	IMPORTU MÀSSIMU
Lassada de sos refudos imbarrazzadores a parte de fora de s'Ecotzentru (art. 255 D.Lgs.152/2006) dae parte de pessones fìsicas	€ 105,00	€ 620,00
Lassada de sos refudos no imbarrazzadores a parte de fora de s'Ecotzentru (art. 255 D.Lgs. 152/2006) dae parte de pessones fìsicas	€ 25,00	€ 200,00

Cunferimentu de refudos a parte de fora de sos istèrgios apòsitos ma intro de s'Ecotzentru	€. 25,00	€. 250,00
Cunferimentu de refudos de tipològia diferente dae cussa a sa cale sos istèrgios sunt destinados	€. 25,00	€. 250,00
Chirca, compidadura e collida de sos refudos a intro de sos istèrgios o chi si sunt ammassados in àtera manera a intro de s'Ecotzentru	€. 25,00	€. 250,00
Cunferimentu de refudos dae parte de impitadores no autorizados a intro de s'Ecotzentru, a fora de dispositziones diferentes	€. 25,00	€. 250,00
Cunferimentu de refudos ispetziales no assimilados chi benint dae impitadores non domèsticos	€. 25,00	€. 250,00
Dannos a sas istruturas de s'Ecotzentru	€. 25,00	€. 250,00
Mancàntzia de respetu de sas dispositziones dadas dae su prepostu a su controllu	€. 25,00	€. 250,00

Art. 20 – Dannos e rifatas

In casu de unu movimentu isballiadu dae parte de sos impitadores o de su personale de sas ditas autorizadas a s'atividade de trasportu de sos refudos, in prus de cumportamentos dolosos e de curpa chi cajonent dannos a sas istruturas de su tzentru de collida, su personale prepostu a su servitziu at a dare comunicatzione luego a su referente Tènicu Comunale. S'at a protzèdere a fàghere pagare sas ispesa de acontzadura a càrrigu de su responsàbile de su dannu.

Art. 21 – Lamentelas e reclamos

Dàbiles lamentelas e reclamos dae parte de sos impitadores podent èssere indiritzadas a manera dereta a su Tènicu Comunale, chi at a providire de cunsighèntzia.

Art. 22. Depòsitu temporàneu de refudos chi benint dae àteros comunes.

Su Comune de Pàdria, pro minimare sas tarifas e puru pro minimare s'efetu ambientale de sos trasportos, podet dare assensu e cunsentire, in su respetu de s'elencu de sos CER inclùidos in su Regulamentu pròpiu, e in su respetu de sa normativa in vigèntzia, su depòsitu temporàneu de sos refudos chi benint dae àteros Comunes, posca de autorizatzione apòsita de su responsàbile de sos servìtzios tècnicos.

23. Rinviu dinàmicu e verifica de s'efetu regulamentare

1. Sas normas de custu Regulamentu si cunsiderant mudadas pro efetu de normas vinculantes regionales e istatales bennidas a pustis.
2. In custos casos, in su mentres de sa mudadura regulamentare formale, s'àplicat sa normativa ordinada in subra.
3. Custu Regulamentu at a èssere in onni casu sutapostu a sa verifica de s'efetu suo subra de s'ordinamentu locale, chi cunsistit in sa valutatzione de sa resèssida de sas finalidades suas e in sa pretziadura de sos custos e de sos efetos produidos subra de sas atividades de sos tzitadinòs e de sas impresas e subra de s'organizatzione e subra de su funtzionamentu de sos ufìtzios. Sa prima de efetu at a èssere fata intro de 12 meses dae sa data de aprovatzione. Sas verificas imbenientes de efetu ant a dèvere èssere fatas cun perioditzidade a su mancus annuale.

Art. 24 - Dispositziones finales e transitòrias

Sunt de competèntzia de sa Giunta Comunale de Pàdria sas mudaduras dàbiles de fàghere a custu Regulamentu, pro megiorare su servitziu sena mudare su cuntenutu suo. Sunt fatos sarvos sos deretos de àtere o de su Gestore pro sa rifata de dannos cajonados dae cunferimentos chi non respetant sas normativas prevididas dae custu Regulamentu.

Pro totu sas santziones prevididas dae su Regulamentu s'àplicant sos printzìpios e sas protzeduras prevididos dae sa Lege n.689/1981 e m.m.i.

Art. 25. Intrada in vigèntzia de su Regulamentu

Divènnida esecutiva sa deliberatzione relativa de aprovatzione custu Regulamentu intrat in vigèntzia coladas 15 dies dae sa publicatzione a s'albu pretòriu.